



[www.BibleForChildren.org](http://www.BibleForChildren.org)

# Matta 26



Balde jeegom  
fade iidi Paska  
yottaade, lisaa  
yehi Baytaniya do  
Laajaru mo o  
wuurtinnoo oo jeyaa  
doo. Nden Mariyama  
bami feccitere liituru nebam  
laabudam, uuroojam,  
tiidudam coggu, wuji dam  
e koyde lisaa, socciri de sukundu  
mum. Suudu nduu fuu ukkiti.




Yahuuda Isikariyota, gooto e sappo e didon bee, yehi to hooreebe yottinoobe sadaka faa wada lisaa e juude mum'en. Nde be nani dum ndee, be ceyii, be podani mo be njeenan mo kaalisi. E ley dum, omo fiya dabare no o jammortoo lisaa.



Taalibaabe bee ngadi ko lisaa  
yamirnoo dum'en koo, lanndinii  
hiraande ndee. Nde be jaamata  
ndee, lisaa bami buuru, yetti Laamdo,  
helti, hokki taalibaabe mum bee, wii:  
—Nanngee, jaamee, dum yo terde  
am. Caggal dum, o bami horde  
peguujam, o yetti Laamdo, o hokki be,  
o wii: —On fuu, njaree hen.

Dum yo yiyam  
am, yiyam  
tabintinooram aadi  
keyri, njupportoodam  
saabe heewbe faa  
luutti njaafee.




Simon, Simon, Ibiliisa naagike faa seda on no alkama  
sedirtee nii. Kaa mi naaganike ma pati goondinal maa  
mursee. Aan, so a wartii e am, ngadaa e sakiraabe  
maa bee semmbe. Piyeer wii mo: —Kalfaado, mi  
lanndinike nabdeede e maa kasu e wardeede e maa!  
Kaa lisaa wii: —Piyeer, mido haalane: fade ndontoori  
jogginde hannde a  
wiyan a anndaa  
kam cili tati.



Caggal dum, lisaa yottodii  
e mabbe nokku biyeteedo  
Gecemane, wii be:  
—Njoodee doo, faa mi  
wadoya too duwaawu.  
O wii: —Abba! Ada waawi  
huunde fuu, woddinam  
ndee horde bone. Kaa pati  
laatoro no njidir-mi, yo  
laatoro no njidir-daa aan.



Yahuuda ardii oorngal sordaasi'en e golloobe iwruube  
to hooreebe yottinoobe sadaka e Farisa'en. Be ngari  
ton, ebe njogii cunkume kubbooje e lampaaji e  
kaborde. Non gooto mabbe soppi golloowo  
Jottinoowo Sadaka Mawdo tayi  
nowru mum jaamuru. Isaa  
jaabii, wii: —Daldee nii!  
O memi nowru kaadime oo,  
o sellini dum.



Be nanngi lisaa, be ngusi dum faa ley galle Jottinoowo  
Sadaka Mawdo. Piyeer jokkitii mo fali daawre hakkunde  
mabbe. Yiite hubbanooma  
hakkunde daalaare  
galle oo, Piyeer wari  
jooddii e joodiibe  
ton bee.




Gooto e gollanoobe  
Jottinoowo Sadaka  
Mawdo oo, sakiike mo  
Piyeer tayunoo nowru  
muudum oo, wii:  
—Mi yiidaalino ma e  
makko ley nokku keewdo  
ledde too naa? Piyeer yeddi  
kasen, e oon wakkati fuu,  
ndontoori joggini. O yalti sella,  
o darii omo woya faa omo  
heppiya.




Caggal dum, waalde Saahiibe  
ndee fuu immii, nabi lisaa to Pilaatu  
goforneer oo. Pilaatu lamndii  
mo, wii: —Aan woni kaananke  
Yahuudiyankoobe oo  
naa? O jaabii, o wii:  
—No mbii-daa nii.  
Pilaatu haaldi e mabbe  
cilol didabol dow yidude  
yoppitinde lisaa,

kaa be ndarii ebe ngulla,  
ebe mbiya: —Tontu mo!


Tontu mo e leggal bardugal!



Nden o hokki be lisaa faa be  
tontoya dum. Nii be nanngi  
lisaa, be nabi dum. lisaa yalti  
ana roondii leggal mum  
bardugal faa yottii nokku  
biyeteedo Laalagal Hoore  
(e ibaraninkoore omo wiye  
Golgata).




Don be tontidi mo  
e didon wobbe: oo  
nano, oo naamo,  
lisaa ana lommbii.



Wakkati hakkunde naange, nimre wadi e leydi ndii fuu  
faa wakkati yamnde tati kiikiide, naange nibbi,  
heedoode faliinde ley Suudu Dewal Mawndu ndee  
seekii, laatii taye didi.

lisaa wulli wullaango manngo,  
wii: —Baaba, mi tummbii  
yonki am kii e junngo maa.  
O haali dum tan,  
o dali aduna.



Gooto e waalde Saahiibe, teddufo,  
biyeteedo Yuusufu mo Arimatiya,  
wari. Kanko duu omo  
doomunoo banngugol  
Laamu Laamdo oo. O  
hulaali yaade to  
Pilaatu o ndaarda  
dum tew lisaa.

Yuusufu soodi  
kasanke, jippini tew  
lisaa oo, fiili dum e  
kasanke oo, o watti  
dum e yanaande  
asaande ley haayre.  
Caggal dum, o talliti  
haayre, o uddiri damal  
yanaande ndee.



Janngo mum yo palaande fowteteende.  
Hooreebe yottinoobe sadaka e  
Farisa'en kawriti to  
Pilaatu, mbii dum:  
—Kaananke, min  
miccitike yonnoowo  
yimbe oo wiino nde  
wuuri ndee,  
wuurtan balde tati  
caggal maayde  
mum.



E oon wakkati, be njehi hiinnoyaade  
yanaande ndee: be uddi  
nde faa gasi, be meeli  
nde, be ndarni don  
sordaasi'en hayboobe.



Ko jalaande fowteteende ndee bettii  
koo, beetee kecco jannde alan,  
Mariyama mo Magdala e  
Mariyama goddo oo njehe  
yeewtoyaade yanaande  
ndee. Don, leydi  
dimmbii semmbe.  
Malaa'ika

Joomiraado jippii  
iwde  
dow

kammu talliti  
haayre ndee  
joodii dow mayre.  
Doomoobe bee kuli  
sanne faa ana cinna,  
be laatii hono  
maaybe nii.



Malaa'ika oo wii rewbe bee:  
—Pati kulee! Mido anndi lisaa  
tontanoodo oo tewtaton.  
O walaa doo, o immitike  
hono no o wiirunoo nii.  
Ngaree, yeewee do  
o lelinoo doo.



Rewbe didon bee kepil iwi do yanaande  
doo, be heewbe kulol e seyo manngo,  
be ndogi haalanoyde taalibaabe  
makko bee oo kabaaru. Don e  
don, lisaa hawri e mabbe, wii be:  
—Cadee! Be battitii mo, be  
nanngi koyde makko, be  
cujidani mo.



A simple, hand-drawn line in black ink, starting from the top left and curving downwards and to the right, ending near the top right of the page.

Ko sakitii koo o banngani taalibaabe sappo e go'o bee  
tawaabe ana naama. O ninjiri be waasude mabbe  
goondinde e yoorde mabbe bernde, sabi be  
ngoondinaali yiibe mo caggal immitagol makko bee.  
Caggal lisaa Joomiraado oo haaldii e mabbe,  
nabbinaa kammu, joodii naamo Laamdo.



Sabi Laamdo bamii ana yida aduna  
oo faa hokkitiri Biyum bajo, yalla  
goondindo Bajo oo fuu ana waasa  
naatude yiite, heba nguurndam  
nduumiidam.



Romankoobe 3:23 yimbe fuu luuttii, ngalaa ngedu e annoora Laamdo.

Romankoobe 6:23 Sabi mbarjaari luuttal yo maayde, kaa moyyere nde Laamdo hokkata ndee yo nguurndam nduumiidam e ley habbagol men e Joomiraado men lisaa Almasiihu.

Ibaraninkoobe 9:27 Battane bii-aadama yo maayde cilol gootol, caggal dum, saree.

Efeesunkoobe 2:8,9 Saabe hinnee Laamdo oo kisinira-don e dow hoolaade mon Almasiihu. Dam kisindam, wanaa e golle moodon habbii, ko dam habbii e mum dee, e dokkal Laamdo. Dam wanaa njobdi golle neddo pati fay gooto heba mantoraade dam.



Romankooɓe 10:9,10 So a seedorike hunduko maa lisaa  
yo Joomiraado, a goondinii e bernde maa Laamdo wuurtinii  
mo e hakkunde maaybe, a hisinte. Sabi goondindo e ley  
bernde mum, Laamdo nanngiran dum pooccitiido,  
ceedoriido hunduko mum, Laamdo hisinan dum,

Yuhanna 3:16,17 Sabi Laamdo bamii ana yida aduna oo  
faa hokkitiri Biyum bajjo, yalla goondindo Bajjo oo fuu ana  
waasa naatude yiite, heba nguurndam nduumiidam.  
Laamdo neliraali Biyum oo e aduna faa Biyum oo saroo  
aduna oo. Ko mo neliraa dee, faa aduna  
oo hisira saabe makko.

1 Yuhanna 5:11-13 Dum woni seedaaku oo: Laamdo  
hokkii en nguurndam nduumiidam, dam nguurndam ana e  
Biyiiko oo. Goodando Bii Laamdo oo fuu, hebii nguurndam  
dam. Mo walanaa dum, hebaali dam. Onon goondinbe Bii  
Laamdo oo bee, mi winndanii on dum, yalla odon  
tayora on kebii nguurndam nduumiidam.



Matta 26-28; Luuka 22-24; Yuhanna 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Fulfulde, Maasina Bible (ffm) © 2005, Wycliffe Bible  
Translators, Inc. All rights reserved.

<https://live.bible.is/bible/FFMWBT/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

